



Notat

Til:

Kopi til:

Saksbehandler: Plan/Grete Birkelid
Vår referanse: 17/2871 - 19 / FE-033
Dato: 23.10.2019

Emne: Budsjettinspel for budsjettåret 2020 frå Osterøy ungdomsråd

Ungdomsrådet har utarbeida ein arbeidsplan for kva dei ynskjer å arbeide med den neste perioden. Dei har tidlegare gjort eit forsøk på å engasjere seg i det som skjer kring ungdomstiltak på Valestrand, men ser at det er utfordrande å skulle delta i arbeidet. I tillegg ser dei at det kan vere utfordrande å delta i fleire bygder dersom det vil vere aktuelt å starte opp fleira stader.

Ungdomsrådet drøfta at dei ynskjer å støtte opp under aktivitetar og møteplassar retta mot born og unge. **Dei ber difor om å få sett av kr 30 000,- i budsjett for 2020.** Desse midlane ynskjer dei å dele ut per søknad til initiativ som støtter opp under lågterskel barne- og ungdomsaktivitetar. Dette kan vere både arrangement eller gjentakande aktivitet/møteplassar. **Budsjettposten er i tillegg til eksisterande driftsbudsjett for ungdomsrådet som er på kr 20 000,-.**

Arbeidsplan:

- Stimulere til fritidsaktivitetar for born og unge
- Delta i prosessen med utbetring av Osterøy ungdomsskule
- Symjebasseng
- Betre offentleg transport til fritidsaktivitetar
- Arrangere «happenings» for å auke merksemda for ungdomsrådet

For å stimulere og ta meir del i aktivitetar for born og unge, vil ungdomsrådet be om å få sett av 30 000,- for budsjettåret 2020 for tildeling til barne- og ungdomsaktivitetar.

Barne- og ungdomsorganisasjonar som ynskjer å søkje midlar frå ungdomsrådet kan sende inn søknad via kommunen si heimeside innan 15. april og 15. oktober 2020. Motakarane må fylle ut enkle rapporteringsskjema når dei har gjennomført tiltaket/aktiviteten. Administrasjonen utviklar søknadsskjema og rapporteringsskjema innan søknadane skal leggjast ut våren 2020. Skjema skal vere enkle å fylle ut og innehalde informasjon som gjer det lett å forstå. Administrasjonen forbereder sak til ungdomsrådet for behandling etter fristen er gått ut. Søknadar blir behandla i mai-møtet og november-møtet.

Søknadane vil verte prioritert etter følgjande kriteriar:

- *Låg terskel for deltaking*
- *Opne møteplassar (plass å vere)*
- *Behovsvurdering av aktivitet/tiltak*
- *Gratis deltaking*
- *Prioritert aktivitet for 13 – 16 år*
- *Antal i målgruppa*
- *Ungdom som deltek i å lage til aktivitar for born- og ungdom*

For ungdomsrådet,
Grete Birkelid – koordinator for Osterøy ungdomsråd

Vedlegg: Referat frå møte i Osterøy ungdomsråd 04.06.2019